

System Adrodd Genedlaethol y Gweithlu Cymru ([WNWRS](#))



Sesiynau Ymgwyfarwyddo

Diolch yn fawr am eich cefnogaeth barhaus a dymunwn Ddydd Gŵyl Dewi Hapus i chi ar 1 Mawrth. Rydym wedi cyrraedd 2023 yn gyffro i gyd ac rydym wedi ymrwymo i ddatblygu a gwella ein gwasanaeth i chi dros y flwyddyn i ddod.

Rydym wedi cydweithio â chymaint ohonoch trwy ein sesiynau ymgwyfarwyddo ac rydym yn edrych ymlaen at gwrdd â mwy ohonoch yn y misoedd nesaf. Os hoffech ddod at eich gilydd, anfonwch e-bost at NWSSP.PrimaryCareWNWRS@wales.nhs.uk a byddwn yn trefnu cyfarfod Teams pan fydd yn gyfleus i chi.

Locum Hub Wales a GMPI

Os ydych yn defnyddio Locum Hub Wales, gwnewch yn siŵr eu bod yn cofnodi unrhyw sifftiau a weithiwyd yn eich Practis ar [Locum Hub Wales \(GP Cymru\)](#) i sicrhau eu bod yn manteisio ar y Cynllun ar gyfer Indemnïad Ymarfer Meddygol Cyffredinol (GMPI). Gall locwm naill ai nodi ei sifft fel Sifft Locwm Allanol (un wedi'i archebu'n uniongyrchol/y tu allan i Locum Hub Wales) neu Sifft Locwm Mewnol (un wedi'i archebu gan ddefnyddio Locum Hub Wales). Dylai'r ddau fath o sifftiau ymddangos yn eich golwg calendr, fel y gallwch weld pan fyddwch wedi cyflogi unrhyw feddyg teulu Locwm. Os nad yw'r sifft yn ymddangos ar yr olwg galendr ar gyfer eich Practis, gofynnwch i'r Meddyg Teulu Locwm nodi'r manylion yn y system cyn gynted â phosibl. Os bydd angen cymorth arnynt i wneud hyn, cyfeiriwch nhw at [gronfa wybodaeth Locum Hub Wales \(GP Wales\)](#) am ragor o fanylion neu cysylltwch â thîm GP Wales ar support@gpwales.co.uk i gael rhagor o wybodaeth.

Os ydych yn Bractis a Reolir gan y Bwrdd Iechyd, rhowch fanylion eich Meddyg Teulu Locwm yn y WNWRS bob mis, gan ddefnyddio'r Tab Locwm Anfynych ar ochr chwith y sgrin Mewnbynnu Data. I gael cymorth neu arweiniad ar hyn, cysylltwch â'r tîm Cynaliadwyedd Gofal Sylfaenol a Chymunedol yn uniongyrchol yn y cyfeiriad e-bost ar waelod y cylchlythyr hwn.

Ar gyfer unrhyw ymholiadau sy'n ymwneud yn uniongyrchol â'r Cynllun ar gyfer GMPI, cysylltwch â GMPI@wales.nhs.uk a fydd yn gallu rhoi cyngor i chi.

Oriau Gallu Ychwanegol

Yn dilyn adborth gan Reolwyr Practisiau ac ar ôl ymgysylltu â Byrddau Iechyd, rydym wedi nodi ffordd o symleiddio'r broses ar gyfer dilysu Taliadau Gallu Ychwanegol (ACP). Mae [System Adrodd Genedlaethol y Gweithlu Cymru \(WNWRS\)](#) yn cael ei defnyddio gan lawer o Fyrdau Iechyd i ddilysu'r Ffurflen Hawliadau Gallu Ychwanegol a gyflwynir gennych, felly dylai adlewyrchu'r oriau ychwanegol ar gyfer yr unigolion rydych yn cyflwyno hawliadau ar eu cyfer. Gellir gwneud hyn mewn 2 ffordd ar y system:

1. Ar gyfer staff presennol, nodwch gyfanswm yr oriau ychwanegol y maent wedi'u gweithio (gan gyfateb i'ch ffurflen hawlio) yn yr ardal 'Gallu Ychwanegol' trwy'r tab ar ochr chwith y dudalen Modiwl Mewnbynnu Data. Mae hwn yn galendr treigl 12 mis felly gellir ei ddiweddarau yn ôl-weithredol yn ogystal ag ar gyfer y mis cyfredol.
2. Ar gyfer unrhyw staff newydd yr ydych wedi'u cyflogi at ddibenion Gallu Ychwanegol **yn unig**, rhowch gofnod staff llawn, dilys ar eu cyfer ar WNWRS a dewiswch 'Gallu Ychwanegol' fel eu math o gontract yn y cofnod staff.

Rydym yn parhau i weithio gyda Byrddau Iechyd i symleiddio'r prosesau hyn, felly cadwch lygad allan am unrhyw ganllawiau uniongyrchol pellach ganddynt ar hyn. I gael cymorth neu gefnogaeth ychwanegol wrth nodi'ch oriau ACP yn y WNWRS, cysylltwch â ni'n uniongyrchol.

